



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicorvm Per Germaniam, Belgivm,
Galliam, Hispaniam, Italiam, Aliasqve Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt LVIII. S. Martini Collegivm Leodiense.

urn:nbn:de:hbz:466:1-11227

Lotharius Rex motus, contulit ei monasterium montis Odiliæ, ut in eo à Danorum incursione liberi, diuini nominis cultum celebrarent. In Sancti Suitberti historia à sancto Marcelino conscripta, dicitur Episcopus Deirorum.

Episcopatum Ruremundensem anno 1559. instituit Paulus IV. Papa.

CAPUT LVIII.

S. MARTINI COLLEGIVM
Leodiense.

S Martini collegium ab Heraclio Episcopo institutum esse testis est Sigebertus in Chronico ad annum 960. Cum autem Rex Otto tertius bona, quæ Heraclius Ecclesiæ Sancti Martini contulerat, eo defuncto in fiscum regium reuocasset, ea Notgerus Episcopus suis meritis præclaris seruando regem recuperauit. Idem Notgerus claustrum ipsius Ecclesiæ in scisso colle publici montis triplici vallo & muro cum turribus sublimibus communivit: Ut in gestis eius legitur. Ceterum de prima huius Ecclesiæ institutione, causisque eiusdem, ex loci illius monumentis hæc refert AEgidius Bucherius in suo Chronico, Circa annum Christi 963. Eueracrus Leodiensis Episcopus Turonis ad sepulchrum S. Martini antea miraculose sanatus, Ecclesiam Sancti Martini Leodij fundat. Huius itaque collegij auctor fuit Heraclius siue Eraclius Episcopus, quem manuscrip.

scrip. codices nonnulli Eueracrum nuncupant.

CAPUT LIX.

S. IOANNIS EVANGELISTAE
Collegium Leodiense.

ANNO ICCCCLXXII. Notgerus ordinatur Episcopus Leodicensium. Hic urbem muro circumcinxit, aedificijs honestauit, maiorem Ecclesiam corpore S. Lamberti insignitam à fundamento renouauit, cœnobium S. Ioannis Euangelista in Insula fundauit.

AB. 972.
alijs 971.

Ita Sigebertus in Chronico. De eadem Ecclesia sic legitur in rebus gestis eiusdem Notgeri Episcopi: Notgerus Ecclesiam in honorem B. Ioannis Euangelista suis sumptibus à fundamentis usque ad consummationem condidit. In qua XX X. Canonicos ad Clericatus executionem instituit, & pretiosis reliquijs merito, scilicet fauibus B. Vincentij Leuitæ & Martyrijs, nec non SS. Fabiane & Sebastiani communiuit. Idemque Notgerus iam dictam Ecclesiam S. Ioannis bonis personis initiauit. Nam Præpositum & Decanum de congregazione elegit, custodem, magistrum scholarum ac Cantorem, distributo uniuicique officijs, & laborum suorum solatio, constituit. Altare maius manu propria consecravit, & oratorium B. Hilarij & Remigij in dicta Ecclesia constituit.

AEGIDIUS Buchærius in Chronico tradit templum istud S. Ioannis anno 987. Calend. Maij dedicatum fuisse.

987.

CAPUT